

古
豐
識
畧
二



古豐識畧卷九

長白鍾秀石帆

初稿

崞縣張曾小袁

地部

陵墓

燕丹墓在口外榆林城相傳即太子丹也史記荆軻刺秦王不克秦遂擊破燕代兵進圍薊拔之燕王走遼東斬太子丹以獻於秦越二年秦王貴滅燕還滅代此地在代北或師旋葬此如韓侯嶺葬淮陰首亦未可知或曰此慕容燕太子也



青冢在歸化城南二十里高五六丈土色黝黑望之
如此墓側有石馬一石幢一殘缺不全石碑三俱近
代立遼史地理志豐州有青冢即王昭君墓漢書昭
君名嬀南郡秭歸人元帝時以良家子選入掖庭數
歲不得見御積悲怨會匈奴呼韓邪來朝帝勅以宮
女五人賜之昭君乃請掖庭令求行呼韓邪臨辭大
會帝召五女以示之昭君豐容靚飾光明漢宮顧影
徘徊竦動左右帝見大驚意欲留之而難於失信遂
與匈奴號甯胡閼氏生一男伊屠智牙師為右日逐
王後被異母兄囊知牙師烏珠留若鞮單于忌殺呼

韓邗立二十八年建始二年死其前大閼氏子雕陶
莫舉立為復株橐若鞮單于欲妻之昭君上書求歸
成帝勅令從胡俗遂復為後單于閼氏生二女長女
云為須卜居次小女為當于居次須卜當于匈奴大
族居次猶漢言公主也至平帝時王莽秉政欲悅王
太后乃諷單于令遣昭君女須卜居次云入侍太后
喜賞賜甚厚迺歷來詩曲俱主西京雜記毛延壽畫
圖及昭君不願從胡俗飲藥而死之說至杜工部荆
門懷古詩則又以為荆門州人而結句所云千載琵琶
作胡語亦因石崇王明君辭序而附會之非昭君

當日果抱琵琶出塞也傳元琵琶賦序已詳言之且
載在宋書樂志其說最為明確昭君改稱明君明妃
則晉人避司馬昭之諱媼元帝紀作牆匈奴傳作牆
惟後漢書南匈奴傳始作媼錢竹汀大曰說文無媼
字左傳妃媼嬪御唐石經本作牆則匈奴傳牆字不
誤而元帝紀作牆恐誤牆字說文亦未收也府志謂
毛延壽畫圖及不從胡俗飲藥而死之說未詳何據
殊欠考晰惟言青冢有三瓦刺地方及黃河西岸復
有二處未知孰是

北魏金陵在古盛樂城西北永興二年葬道武於盛

樂金陵其後元明太武文成獻文四帝皆葬于此未

詳其地按清水河西南鄉有村曰大王墓二王墓三王墓各距署三五十里亦未詳為某王

焦贛墓在吳公壩口內正史未見其名小說家樂道

之謂與孟良同隸楊延昭麾下北邊古蹟如此類者

頗多真脣不足辨也

班都統墓在大黑河村南里許有屋三楹內三冢如

瓶塔形高三四尺外十餘小冢高不盈尺石碑二其

一係蒙古書其一乃滿漢書諭祭文也旁有小碑字

多剝蝕文義亦不可解按府志謂都統世襲精奇尼哈番墓在口外黑河南岸即

土默特台吉朝庫兒有御製碑詢之土人初無知者後聞大黑河南有丹府


墳墓一所意雷為都統丹津葬地及就視之乃諭祭
右翼都統班達爾什者與左翼都統丹津無涉傳聞
之不可信如此

烈女墳在城西南三里漏澤園側有小石坊為烈女
尚氏立

按古人有言生寄也死歸也至骨肉復歸於土
而生人之事畢死者之名姓亦與之俱盡矣乃
越千百年後過其地者若復愛之護之憑之吊
之相與流連而不忍去其故何哉豐州古中外
戰爭地其間水火鋒刃風塵埋沒固不常恒河
沙數至一二忠魂義魄豈無人焉為之收碧血

冊

而葬衣冠耶况自秦漢以來割據不一外蕃君
臣與中國爭強盛豈生前赫赫而死後泯泯竟
不得一抔之土為後人所瞻望而指數耶何有
幸有不幸耶考史策所紀如北魏諸陵既不過
僅存其名惟明妃一冢靈光歸然而歷年來野
火春風已無復青青之色其餘更不堪問矣爰
取近代有名可指者附識於後亦冀其無速朽
云



古豐識畧卷十

長白鍾秀石帆

初稿

寧縣張曾小袁

地部

關津

殺虎口為鄂爾多斯貢道塞北之咽喉也明自正統以後南北畫此為界虎字我

朝所改與破虎殘虎威虎敗虎阻虎等堡同又黑山一名殺虎山與此口別口距城二百四十里

大紅山口城東北七十里見府志今無其名惟城東

北六十里有卯獨沁溝通四子部落旗疑卽其地
小紅山口城東北三十里見府志今名紅沙口距城
二十里迤東有哈喇沁溝討速號溝奎樹溝俱通大
青山後

吳公壩口城西北三十里通山後瓦剌等處卽古祖
陽塞也通志城北有翁公谷疑卽此轉音之訛

刺麻灣城西南一百九十里屬托克托城

黃河渡在刺麻灣東西岸有渡船鄂爾多斯以西商
民負販鹽米俱在此渡河未知卽古君子津否

洪津橋城西南四十里有永濟柵或謂此古君子津

也

烏素圖溝城西北二十里通志以溝為谷迤西為胡
塞溝距城三十里即古高關塞入溝為鑲藍旗糧地
俱通漠北路

水磨溝距城七十里距畢齊克齊十里亦通漠北
黑牛溝口距城八十里在畢齊克齊西通伊犁路
萬家溝口在黑牛溝口西四十里


湖灘河朔渡口在城西南一百八十里托克托城南
有渡口船隻通志謂即君子津亦疑似之說

毛代渡口在湖灘河朔西北距城二百四十里

大溝門在和林格爾東北八十里與寧遠接壤

按關津之設地方之防守繫焉平昔每至一方必詢悉其道路之出入山川之阨要某處距某處若干里為通衢為僻徑某處遇事宜守禦某處宜斷塞境內口隘凡若干所繪為圖本藏諸行笥以備不虞見者輒誦其無病而呻曾未敢一置喙也漠南地數千里雁門一關為古今南北要塞近則以車馬輻湊王道蕩平殺虎口為西北權稅總區然以之譏行旅有餘以之資堵防不足豐州毗連各外藩中外藩蔽以大青山

為牆垣門戶之存廣輿記所云厝火積薪其慮至深且遠雖帶此南北一家之會似無庸過為區畫而地險所設正未可以無用視之今取通漠北往來諸路略識數端俟後再為續入觀者幸知其用意之所在云



古豐識畧卷十一

長白鍾秀石帆

初稿

崞縣張曾小袁

地部

城郭

歸化城明萬歷十四年忠順夫人三娘子所築唐婁
師德所築豐州城故址也周三里許高三丈餘舊南
北兩門年久坍塌經土默特兩旗與六招刺麻台吉
等三佐領下人於舊城南增設外城包東西南三面
築牆置門東曰承恩西曰柔遠南曰歸化北曰建威

俱建樓其上以舊南門為鼓樓顏曰威固康熙三十年工竣報部乾隆元年重修國語名曰胡胡河通乾隆六十年改為庫克河通

綏遠城雍正十三年新築乾隆二年工竣周圍九里餘高二丈九尺五寸門四東曰得樹南曰仰日西曰控河北曰吞山門各有樓東近旭南承薰西阜安北鎮寧角樓四

托克托城即脫脫城明嘉靖中俺答義子恰台吉名脫脫住牧此城故名周圍約十里許今城垣頽廢不全俗傳舊本磚城後移其磚包朔平府城土垣日漸

傾圮此語無所考疑即明正統中以邊外玉林衛城內徙為右玉林衛之訛

按城郭之制所以捍外侮也淮南子謂城始於
繇春秋城成必書義綦重矣雖孟子言城郭不
完非國之災然以三里七里環攻不勝非恃此
增障浚隍之力而何口外古北番地視水草為
游牧遷徙不常無城郭之固秦漢以後建置不
一今既五廳分列自應捍我牧圉迺除綏遠城
駐防而外三廳俱無城托克托土城雖存難資
保障歸化城惟都護一官尚在城內其餘公署

倉廩監獄市廛俱在城外雖復時啟閉謹封納
北門鎖鑰晉於地方無裨稍有不測將堅壁清
野之謂何矣我

太宗文皇帝親征察哈爾諭土默特左右翼都統謂
爾等所守城小濠狹勢難禦侮宜於城外建築
層垣以資捍衛工竣之日內城外垣嚴加防守
敵自不敢窺伺煌煌天誥所以綢繆未雨而思
患豫防者豈獨為歸化一城而言凡在邊陲所
應恪遵今塞外幸常無事之日固不啻衆志成
城然而攘竊穿窬獄囚逃越烏得謂非城郭不

書

完之故乾隆初各省督撫奉部議令民自行修
城前時想寥寥邊氓子來無刀今則閭閻撲地
雞犬相聞車馬一統之盛振古未有守土者當
何以期永固耶願以質諸後來者

古豐識畧卷十二

長白鍾秀石帆

初稿

崞縣張曾小袁

地部

壇廟

先農壇在城東二里許雍正五年都統丹津奏立壇
基東西濶十五丈南北長三十丈中為壇有正殿三
間東殿三間東西奏樂房各一間大門一間

孔子廟宋雍熙七年蕃漢都指揮王承美破契丹兵
於豐州追至青冢百餘里擒其天德軍節度使韋太

以獻明年復擊敗之於豐州置孔子廟見宋史今
文廟係

國朝雍正五年都統丹津等奏立在城南門外二里
許路西正殿三間東西廡各三間後殿三間後殿東
為井亭西為祭器庫正殿前津宮門三間東西兩小
角門角門東名官祠三間角門西鄉賢祠三間門外
有橋一下為泮池東西齋房各一間櫺星門三間東
西兩小角門外東西兩轅門與南照壁相連正殿祀
至聖暨配哲位東西廡先賢先儒位後殿為崇聖祠
每歲春秋仲月上丁本城副都統率官致祭乾隆三

十九年道光四年重修

按碑記初歸化城商民卜地

經都統再三辭却而材木俱已備齊勢難中止乃與尚書通智奏請改建文廟嗣後重修經費俱奏用土

貯正項

漢壽亭侯廟府志有二一在小東街一在茶房今小

東街廟內添祀火神馬神金龍大王酒仙觀音茶房

分東西南北俱祀關帝西茶房添祀三官孫臧靴工所祀

南茶房添祀釋迦佛蘊神老君金銀錫鐵各所祀魯般吳

道子羅真人雞髮工所祀軒轅黃帝縫工所祀北茶房先於東

西節添祀財神及馬牛羊三神後於東徧專祀財神

又東祀馬牛羊三神皆商賈百工藝事報賽之所香

火極盛唯東茶房頗形寥閭因就近有梨園子弟祀

唐三郎

即元宗

倡妓祀盜跖故也

玉皇閣在城外西南今前殿添祀三官東三皇附歷
代名醫西金華聖母過殿祀靈官子孫聖母餘祀真
武雷神火神馬神及官音大士

三賢廟即三義廟在南大街東小巷內今添祀觀音

孫真人井神倉神

按三義廟以漢昭烈帝關張並祀識者已議其無君臣之禮今曰三

賢史失歷代褒崇之義矣宜改正之

財神廟在無量寺前東小巷今北茶房廟十王廟俱

有之

十王廟府志在城外西街今名小北街廟在西小巷
內祀地藏王菩薩及十殿閻羅王東西殿祀火神財
神子孫聖母

三官廟在隆壽寺東北前殿亦祀關帝迤西為魯般
廟又西為子孫聖母廟再西為邊寧寺祀觀世音過
殿祀真武關帝及馬神其地即名三官廟街

龍王廟有二在海窟北者曰南龍王廟內附祀風雲
雷雨八蜡馬神鄧侯

書吏所祀

蔡倫紙工所祀

眼光菩薩廟前

有文昌閣奎星閣在西茶房北者曰西龍王廟距同
知署二里許雍正中建中祀龍神東祀八蜡西祀風

隍

神廟西北有村即以廟名多忻州人

東嶽廟在城南漏澤園側廟前為城南行宮每歲清明中元十月初為祭厲所前有小廟祀孤魂

城隍廟在城北門外雍正中建

費公祠在財神廟西康熙中高民為將軍費襄壯公建立生祠公歿即塑像其中東西塑丹都統津齊觀察布森像道光十二年大學士松公筠奉使來城勘定各藩游牧界址居民繪像附祀於此

按我

朝大清會典所載於社稷先農先師天神地祇嶽鎮


海瀆名山大川俱有直省常祀儀適周禮春官
小宗伯禱祠於上下神祇史記封禪立時郊上
帝諸神祠皆聚洪範八政三曰祀禮制祭祀法
施於民以死勤事以勞定國能禦大菑捍大患
凡有功德於民者皆祀之典綦重也各府州縣
志乘俱首重學校以文廟為道統所垂與學并
建而名宦鄉賢忠義節孝及文昌魁星諸祠因
類相附其餘風雲雷雨山川社稷城隍祀典所
及祈報在焉我

神

朝從明代舊制設近郊三壇并崇祀關帝及諸祠祠

宇有靈異者亦聽民祈禱弗禁以故農祀龍神
救祀馬神祈嗣者祀子孫聖母驅疫者祀瘟神
至百工技藝亦各祀其創始之人以為崇德報
功祈福之舉而神祠香火幾徧天下非鬼之祭
在所不免矣歸化城惟雍正初設立先農壇於
東郊社稷山川俱未之及祀典之闕也殊甚至
文廟為土默特蒙古專建兩廡從祀諸賢每多
遺漏名宦數粟主亦未經奏請率以長生祿位
增入鄉賢則僅存一祠無所崇奉以故學校一
門未能專立僅以先師冠各廟之首而以諸神

祠附焉其甕城小祠與巷曲五道神井竈各廟
以及鄉村諸祠宇并四廳分置新建者不與則
見聞所及實未能周非故從詳畧云



古豐識畧卷十三

長白鍾秀石帆

初稿

崞縣張曾小袁

地部

寺塔

無量寺俗名大招在城南門外里許我

朝崇德中

明崇禎中

都統古祿格楚琥爾奉

諭將舊寺

委左翼佐領補音圖驍騎校喇巴大與德木齊溫布

刺麻協同新修展大奏 賜今名寺內供

皇帝萬歲牌位康熙三十六年經札薩克達刺麻訥

西
依齊托音呼圖克圖呈請具奏殿易黃瓦

延壽寺俗名南呼圖招令記為舍利圖招在無量寺

東百餘步康熙三十五年

聖祖仁皇帝西征駐蹕值西呼圖呼圖克圖將舊寺

新修工竣奏賜今名御製碑文清漢蒙古西番

四體書分立寺前左右賜刺麻唐古忒藏經一部

藥王經一部珊瑚數珠一盤紅硃寶石雍正四年

賜數珠一盤內西呼圖呼圖克圖居住嘉慶二十三

年十二月經部具奏以西呼圖呼圖克圖補授札薩

克達刺麻掌印所有一切報部案件停止徑行咨報

呈綏遠城將軍轉咨理藩院咸豐九年重修有藏經

塔

按道志延壽寺在城西北二十五里康熙二十九年改今名府志以延壽為延福一名舍利圖塔

崇福寺俗名小招在延壽寺東百餘步康熙三十六

年訥依齊托音呼圖克圖新建寺前有藏經塔

聖祖仁皇帝西征凱旋駐蹕於此奏賜今名有

御製碑文與延壽寺同賜刺麻大紅羽緞褂一領

黃蟒緞袍褂二領涼冠二頂珊瑚數珠一盤後又

賜藏經一部藥王經一部金字數珠一盤黃絲帶一

條帶扣荷包飄帶水晶靴小刀火鑷俱全金錢一刻

壽比南山長命富貴銀錢一刻吉祥如意御筆金

書心經寶塔一軸康熙庚寅三月十八日沐手敬書
寺內訥依齊托音呼圖克圖居住

崇壽寺俗名朋蘇招一名西招在城西門外河西距
城二里餘順治十八年刺麻錫拉布建康熙中其徒
札薩克達刺麻朋蘇克添修三十三年奏賜今名

內設呼畢勒罕一名地勢初極宏敞殿宇亦甚壯麗
後為河水侵占寺門北移院塔今在城外

按府志蓬松招即朋

蘇之誤俗傳費將軍誅活佛即在此寺又云數年前
西藏有呼畢勒罕出世遣人來寺取塔內藏經寺眾
初未之信及啟視果有之且言此佛被誅後已轉生
數世頸瘡未合俟合時當仍來城示無稽之說也

隆壽寺俗名額木氣招在城西南里許康熙八年綽

爾濟達賴建三十四年續修奏 賜今名嘉慶十年
被火重修有藏經塔一

宏慶寺一名拉布齋招今呼為宏慶招在城南文廟
官學西百餘步康熙六年甯甯呼圖克圖建奏 賜
今名以上六寺俱額設札薩克刺麻一名達刺麻一
名卷有觀音寺

延禧寺俗名綽爾濟招在延壽寺東南里許係西呼
圖徒弟達爾漢綽爾濟刺麻建奏 賜今名與延壽
寺互諷 萬壽經內拉布札木巴達爾漢呼圖克圖
居住額設達刺麻一名

慈燈寺在崇福寺東南里許內有塔為慈燈塔基圍
十丈上小塔五土人即呼為五塔寺雍正五年崇福
寺刺麻彥察爾清呼畢勒罕授副札薩克達刺麻呈
請建立十年奏 賜今名額設達刺麻一名

甯祺寺一名太平招在城西北里許康熙六十一年
土默特兩翼官兵等建乾隆十九年寺東北增建納
木札勒極勝塔二十年寺西北增建仁義極忠塔四
十九年奏 賜今名額設達刺麻一名

廣福寺在崇福寺前路西土默特已故參領札布之
妻建立後施與章嘉呼圖克圖乾隆三十年奏 賜

今名額設達刺麻一名

隆福寺一名迦藍招在崇福寺東北地名馬蘭灘寺
基狹小無建置年月可考現屬隆壽寺管理

廣壽寺在城西北烏素圖溝內山陽土人即呼為烏
素圖招康熙中親綽爾濟刺麻阿旺丹丕勒勤勞王
事蒙 恩賞給銀兩即以其銀建寺奏 賜今名有

御賜匾額奉 旨設立字樣屬延壽寺管理

永安寺舊在城北烏蘭察布地亦西呀圖呼圖克圖
所建後因寺基逼近公主府蒙府助給銀一萬兩移
建烏素圖東溝內察漢哈達山陽距城二十五里土

人呼為察漢哈達招

慶緣寺在城西北山陽距城二十里明萬曆中建我朝乾隆四十七年重修四十八年呈請報部轉奏蒙賜今名額設達刺麻一名

法禱寺在慶緣寺東北係寺屬醫生綽爾濟羅布桑旺札勒建乾隆五十年奏賜今名

增福寺在梨樹村康熙三十五年慶緣寺所屬徒弟格隆巴雅斯琥朗建立距城一百三十餘里

慈蔭寺在果必托利補拉克地方距城百餘里雍正十年建乾隆二十七年遵照部咨每歲由土默特旗

遣往達刺麻一名徒弟六名念經刺麻二十名按月
給發銀米

慈壽寺在城西山陽距城六十里順治中察漢迪彥
齊呼圖克圖建康熙中奏 賜今名額設達刺麻

崇禱寺在城東北鄂奇特溝內距城六十里順治中
額爾德尼迪彥齊呼圖克圖建康熙五十二年奏

賜今名額設達刺麻道光十八年被火焚幾燼

廣化寺在西山溝內距慈壽寺二十里舊為成平廣
寺康熙五十八年移建於此乾隆四十八年增修奏
賜今名額設達刺麻

普會寺在城北山後沙拉大楞地西呼圖呼圖克圖
建奏 賜今名距城一百二十里

普安寺在城東察哈爾旗岱海地乾隆三十八年彥
察爾濟呼畢勒罕建立奏 賜今名土人即呼為岱
海招距城二百餘里

尊勝寺在城東北哈拉沁溝源吉爾噶明圖山康熙
元年咱雅班第達呼圖克圖由喀爾喀札薩克圖汗
旗下帶來徒衆百餘奉 旨住歸化城居住建立新
寺奏 賜今名距城百餘里內設札薩克刺麻一名
俗呼為班第達招

南

善緣寺在城東城登奴素山建置年月無考額設呼畢勒罕一名達刺麻一名屬崇福寺管理

靈照寺在城西二百餘里明順義王孫大成台吉之

妻瑪沁建大門石刻如來佛寺額設達刺麻一名按

史大成台吉之妻為大成比技瑪沁或其名也

福慧寺在城西山陽胡寨村建置無考額設達刺麻一名

永福寺

廣法寺俱在城西北九十餘里阿魯板升山溝內係干珠爾巴諾門漢呼畢勒罕建立額設管理二寺達

刺麻一名

吉特庫招在城西吉特庫山陽距城二百餘里康熙三十六年札薩克達刺麻朋蘇克建未請寺名額設達刺麻一名

都貴招在托克托城東南內設呼畢勒罕一名達刺麻一名屬章嘉呼圖克圖管理

廣覺寺在薩拉齊西烏拉特東公旗界五當溝內距城三百四十里對音克哩班第達呼圖克圖居住寺內刺麻約五百餘名嘉慶四年奉理藩院來文令綏遠城將軍管理每年春秋二季派官前往查核刺麻

數目咨報理藩院查照三年將軍親往巡查一次
東白塔距城五十餘里

西白塔即郭公塔距城八十里以上兩塔俱詳古蹟
按刺麻之稱即華言無上也刺麻所供佛寺向
名曰招或取招提之義口外各招可指名者三

十額設呼畢勒罕札薩克刺麻達刺麻二十呼
圖克圖十其呼畢勒罕即華言化身死而不失
其通自知所往生地常在輪迴本性不昧之義
札薩克者理事之稱呼圖克圖亦理事之火僧
官也各寺所住刺麻稱呼如托音即刺麻弟子

通稱西呼圖即蒙古稱坐牀刺麻章嘉呼圖克
圖刺麻之受褒封者如札薩克蒙古所奉之呼
圖克圖其呼畢勒罕將出世報明理藩院與住
京之章嘉呼圖克圖掣之如掌印者然格隆戒
僧也一作噶隆又有噶布倫統理兵馬刑名係
請旨補用額爾德尼亦班禪之尊號向例達賴
圖寂以班禪或兩呼圖克圖及諾門罕代理呼
圖克圖較尊諾門罕次之其來城之始詳見人
部呼圖克圖一門易曰聖人以神道設教我
朝自開國伊始即以佛教馴服外番迨後西藏撫綏

益藉以化誘獷俗馭夷之道必固其習信夫

卷之三十一

...

...

...

...

...

...

...

...

...

...

...

...

...

古豐識畧卷十四

長白鍾秀石帆

初稿

嶧縣張曾小袁

地部

公署

綏遠城將軍衙署一所乾隆初建共房一百八十三間在鐘樓西北其餘除屢次裁汰外現存左右兩司衙署二所各房十七間協領衙署五所各房三十八間佐領衙署十八所內奉文撥給世職官三所留十五所各房二十四間防禦衙署二十五所內奉文撥

給世襲雲騎尉五所留二十所各房十九間驍騎尉
衙署二十二所內撥給世職恩騎尉二所留二十所
筆帖式衙署三所各十四間

歸化城副都統衙署在城北門內路西自裁汰兩都
統三副都統將各衙署變價歸款報部後乾隆二十
七年准工部來咨遷移補修道光二年重修四年改
建大門五年添立東西轅門其戶司兵司仍占舊都
統署在城北門內路東大堂五間東為銀庫西為軍
器庫東西兩司辦事房各五間後樓房三間餘印房
前鋒營房書吏房十八間道光四年將向西大門遷


缺

移向南外操演營署一所稽察廳署一所參領與佐
領署十二所佐領署四十八所驍騎校署六十所
歸綏道衙署在歸化城外里許河北乾隆初新建三
十七年四十五年嘉慶十八年屢次補修咸豐四年
大雨房屋坍塌毀幾盡五年經本道鍾秀任內重修共
署西一在綏遠城將軍署東南通判署四所一在和
林格爾距道署一百二十里一在薩拉齊距道署一
百四十里一在清水河距道署二百六十里一在托
克托城距道署一百八十里歸化廳屬巡檢署二所
一在道署東一在畢齊克齊距廳七十里綏遠廳屬

盈寧庫大使管豐裕倉大使署一所在廳署南和林
格爾屬巡檢署一所薩拉齊屬巡檢署二所一在本
廳一在包頭鎮距廳一百里清水河屬托克托城屬
巡檢署各一所

按公署之設南面而臨嚮明而治所以崇體制
壯觀瞻也其廣狹大小固視乎官秩之尊卑亦
因乎地勢之難易口外除將軍以下官屬公署
俱在綏遠城而外惟副都統署在舊城綏遠同
知及倉庫使署在新城其餘俱在城外歸化同
知一署建立較早其餘次第興修歸化巡檢署

舊傳為公主府別業餘皆無從稽考土默特參
領佐領駝騎校等署布滿街衢公署私宅幾不
可辨塞外風高土薄房屋最易傾圮即以監司
一署而言自乾隆初迄今百二十餘年補修業
經四次此番修葺幾與創造者同昔叔孫昭子
所到雖一日必葺其牆屋非故求美觀也公署
而以傳舍視之則無事不存五日京兆之想恐
於民生國計久安長治之道必有所怠弛者矣
整齊部署無廢乃心實與名符當共慎之



古豐識畧卷十五

長白鍾秀石帆

初稿

嶧縣張曾小袁

地部

官學

綏遠城官學在將軍署有空散房十五間為八旗滿蒙子弟肄業處凡興校庠序塾五學鑲黃正白二旗入興學正黃正紅二旗入校學鑲白正藍二旗入庠學鑲紅鑲藍二旗入序學兩翼蒙古入塾學每學二旗官學生四十名乾隆五十年前任將軍吉福奏准

裁汰於原設五學外添設滿漢繙譯學一所各旗每
佐領下挑選開散幼丁年十五以上二十以下能習
國書及漢書者各十名入學具繙譯教習由部題請
將軍副都統率同本城協領佐領防禦驍騎校筆貼
式等官監場考取二員入學三年期滿如果行走勤
慎教導有成將軍等出具教導有方考語保題以驍
騎校用五學教習每學二人由八旗領催前鋒馬甲
內挑取各學公費銀兩六學一體承領由繙譯學主
稿五學出領咨春冬兩季每學各領公費銀一十三
兩五錢夏秋兩季每學各領公費銀八兩四錢一分

每年四季各學各領銀四十三兩八錢二分由房租

銀內給發

按綏遠城取租鋪面房除變價空閒外現存房一千一百六十餘間每月約收銀三

百五十餘兩自乾隆六十年起徵收拆毀房間空閒地基菜園租銀每年約收銀二百餘兩官學公費即

出由此

土默特官學在文廟西偏正房三間為講堂東西房

各三間為學生肄業地再西為箭亭雍正十三年經

尚書通智等奏定由六十佐領每佐領下撥送英俊

孩童二名由佐領以下官員內選派教習四員每教

習月給飯錢一千二百文每學生日給飯錢十六文

每月初十日由銀庫散給

銀庫款項見會庫門

按我

朝以八旗重兵分駐各要地揆文奮武所在皆然自
乾隆初始以右衛駐防移駐綏遠城投戈講藝
息馬論道文學之士爭自濯磨俊又徧於膠庠
彙征登夫皇路科第甲乙蔚然炳然泉道光中
年始停止駐防鄉會試非重武功而輕文德也
國家自入關以來以騎射為先務帖括章句原藉以
為取士之方八旗子弟進身之始不專賴此至
國書釐定頒示不容有銖黍之差科斗蟲魚備
存古法乃近今旗員起家科甲者問十二字頭

不知而斤斤焉致力於八股舍志正體直弗講
而沾沾焉從事於時墨舍本逐末日甚一日浸
失我

聖祖命宿衛重臣率虎賁三千彈壓嚴疆之初意矣
然而科舉雖廢絃誦宜存學一日則收一日之
功讀一書可得一書之效道德仁義非為科目
設也禮樂書數可與射御兼也自茲以往雖不
必風箏寸晷與文士絮短較長而講習之餘實
有以陶氣質明彝倫為學顧可稍忽乎哉若士
默特官學之設雖專用蒙古文字而清文鑑三

今切音一者頒行已百餘年蒙古之讀漢書延
漢師者比比皆是間嘗入其學亦彬彬然禮法
之存聲教所訖薰陶而涵育之其丕變可立覩
也

古豐識畧卷十六

長白鍾秀石帆

初稿

淳縣張曾小袁

地部

義學

古豐義學創始無所考嘉慶八年長白德綸以吏部
郎中簡任歸綏道念義學廢弛日久乃自捐廉俸於
道署西北隅重建房屋一所中樞奉至聖先師神位
東西各五楹為生徒肄業地時歸化城理事同知西
理訥綏遠城同知塔清阿和林格前通判繼昌薩拉

齊通判札勒罕清水河通判伊克坦布托克托城通
判善寶綏遠庫大使周大鼎歸化巡檢萬瀛三薩拉
齊巡檢程天麟等亦各輸廉俸共襄厥成因於九年
春延師主講考取生徒三十人入館受業立定條規
每歲延兩師主講席月各奉脩脯銀十兩學徒茶水
每月銀三兩考課獎賞每季銀八九兩不等有督學
陳方伯張及盈甯庫大使周大鼎碑記可考

陳記載
藝文部

德公又以需用頗多恐難經久因具稟巡撫伯公議
定歸廳歲捐銀五十兩綏和薩清托五廳歲各捐銀
三十兩歸薩兩巡檢歲各捐銀十兩其餘不敷銀兩

由歸綏道自行捐足毫不派累商民並將條約碑文刊發各廳其歲捐銀兩定期五月節前解清以備支給十七年六月德公陞授長蘆鹽運使將卸道篆復稟請署撫衡公札飭道屬查照原立章程永行遵辦經布政司陳公遵批移咨後任歸綏道嵩轉飭各廳存案交代是年十一月間嵩公因義學房屋坍塌不堪棲止將館移住范家號其條約仍遵前議造冊備查計開各廳同知通判巡檢共捐銀二百二十兩義學兩師脩脯及生徒茶水每月用銀二十三兩每節學師節禮銀八兩每年三節用銀二十四兩以上約

共用銀三百兩除捐銀外由本道補足每年二八月
致祭先師孔子祭品猪羊等項俱本道備辦道光元
年歸綏道岳札包頭鎮巡檢知悉照得歸化城義學
經費向除清水河等處巡檢缺分瘠苦無刀捐輸外
在於六廳并歸薩二巡檢中分別攤捐維持包頭鎮
巡檢尚未設立是以未經議捐今該巡檢設已多年
自應一體攤捐查薩拉齊巡檢每年應捐銀十兩自
道光二年為始將此項分開各捐銀五兩札到即便
遵照毋違特札道光二十五年十月歸化城錢行總
領偕散戶等四十九家捐錢一千緡為義學膏火之

需經護理歸綏道潞安府知府多慧籌議以義學賃
房居住究非長策即將錢一千絡易銀四百兩價典
本城西門外楊家巷西頭路北房院一所係李毓嵩
所接蓋盛永原典蒙古干招架爾房屋計開正房三
間有抱厦東廚房三間西廂房七間挨井東南房三
間西南房四間大門一間內西套房三間原典主自
占如蒙古原地至及原典主備價回贖而稟明歸綏
道飭歸化廳驗收銀兩另行典買房院典約存案并
行歸化廳

附德公告示為曉諭事竊以文明之治不擇地而

與蒙養之方可因材而篤本道莅任茲土所見闔
閭闐闐或以耕牧或以懋遷地廣人稠洵稱富庶
顧學校未設人材無自而成爰倣古黨庠塾序之
意立義學於衙署之後延師主講凡遠近之成人
小子萃處而肄業焉惟濫而無節非所以示區別
也今擬以生徒三十人為率其能識前言往行以
蓄德者固將陶育以成國器即自幼學以至弱冠
雖尚不曉文理而質性穎悟可習經書者皆在甄
收之列為此出示闔境人民知悉爾等有子弟願
讀書者即赴轅報名候本道示期擇取三十名將

聽


姓名年歲籍貫注冊送館內受業毋許無故不到
其經此番報名或因額滿不錄者即令附名冊後
俟有空缺以次拔補至於文理明順之後諸生徒
中有志上進各廳回本籍州縣應試庶幾人材興
而風俗益臻醇厚是本道所厚望者也特示

按今世自各省會以至府廳州縣凡有學校之
地莫不建有書院以培養人材猗歟休哉何風
之盛也至于義學之設或紳富樂善好施或鄉
村公議建立俾寒家小戶無力延師者之子弟
得就以資講習識之無地方人士自經理之守

土者不與聞焉歸化城學校未立因無書院自
前觀察德公設立義學五十餘年各官攤捐廉
俸合力延師名為義學實則與書院同每歲兩
學師脩脯所入亦與尋常州縣書院山長無少
區別口外無廩增附學每朔望講約輒以學師
兼之薪水微加滋潤亦所以廣教澤恤寒儒也
惟慮學師視講課為具文據學舍為己有支應
故事有名無實甚或藉衙齋出入為干預公事
之階靠官幕應酬為鑽營盤踞之地以致生徒
輩輕則廢業重則效尤旁觀為之齒冷遠近聞

而裹足風斯下矣更有鄙嗇官吏享萬鍾之粟
惜一勺之泉遲擱推諉經年累月致寒士舌耕
筆耨曾不足供仰事俯畜之需揆諸前賢創始
苦衷能無慙報今我

國家振興文教之會此地雖窮荒絕域亦斷不至頽
棄若斯然職在官師必當凜有則改之無則加
勉之訓且邊塞周圍數千里所恃以維持風化
者祇此一區倘得推而廣之於各廳胥則儼焉
將詩書絃誦之聲與犬吠鷄鳴相聞而達乎四
境矣有心者尚共勛諸



古豐識畧卷十七

長白鍾秀石帆

初稿

崞縣張曾小袁

地部

教場

管
綏遠城教場在城西門外每歲春秋二季八旗槍箭
營官帶領兵丁操演槍牌兩箇月俟將軍開看畢停
操演陣共用兵一千六百一十四名自二月十五七
月十五間操日起城上吹海螺十五日秋季演放子
母礮位在哈喇沁溝

歸化城土默特教場在城北門外二里許內閱武堂
三間火藥庫二間看守兵住房二間照壁一堵每年
春秋二季土默特兵一千名各操演一箇月操演時
官兵齊集操演營同赴教場操演鳥槍兵五百名弓
箭兵五百名鳥槍兵演三進二連環斷後兵出收隊
官員與弓兵等演射箭把騎射弓兵又裝盛鉛子演
放槍牌三日自二月十五八月初一開操日起城樓
鳴海螺十五日

歸化綠營教場在都司署側每年春秋二季大同鎮
總兵來營校閱都司以次將弁演習騎射兵丁三百

名操演鳥槍弓箭其平時操演都司主之

附槍字考

按鎗七羊切周禮秋官職金國有天故而用金石則掌其令注用金石者作槍

雷椎棹之屬疏槍雷椎棹皆守城捍禦之具古無鳥槍其言槍者指刀槍之槍而言蓋矛屬也然槍

與雷並稱後世鳥槍亦當從之俗作鎗非鎗楚耕切在庚韻鼎類其音槍者與鎗同為鏗鎗之鎗從

未作軍器解或以鳥槍作鳥銃按銃充仲切音核玉篇鑿也集韻斧穿也解亦不同仍用槍字較近

附礮考

綴俗作砲潘安仁閩居賦礮石雷駭其礮字之最先見者李注礮石今之拋石也說

文無礮字推礮字注云建大木置石其上發機以礮敵是許氏以礮為礮唐書李密傳以機發石為

攻城械號將軍礮自後人自火礮之製俗遂從火作礮字更非火礮之用始見於宋楊萬里海蟾賦

序云宋紹興三十一年全兵欲濟江虞允文伏舟七寶山舟中發一霹靂礮墜水中硫磺得水火

自能出紙裂而石灰散為烟霞昧其人馬之目金兵大敗然此乃紙礮用石灰以昧目非以礮子為

攻擊之具也。礮之用鐵始於金名曰震天雷以火礮攻城始於元世祖得回回所獻新礮以攻破襄陽城名曰襄陽礮。明永樂中平交趾始得神機槍礮法至嘉靖二年佛郎機寇廣州指揮柯榮禦之賊敗遁。官軍獲其二舟得其礮即名為佛郎機。詳見明史紀。又兵志云佛郎機礮式以銅為之長五尺重千餘斤小者數百斤。礮之用銅始見于此。至我

朝

天聰五年始造紅衣大礮名曰天佑助威大將軍崇德八年又造神威大將軍礮康熙十五年又造

神威無敵大將軍礮康熙二十八年又造武成永固大將軍礮詳見

皇朝禮器圖式

附海螺考

按古樂書無此名今營伍多用之即吹角之義說文感羌人吹角也其聲悲栗


故名感栗史記樂書胡笳似感栗而無孔今海螺亦胡笳之類惟古以竹為之今以螺殼為之耳

按操練之說莫詳於感南塘紀效新書及練兵

實紀其卷首或問諸條有切中今日操演之病者如或問祖宗自設官軍至今操練二百年矣比予之操一二年者孰為熟悉且官軍亦有陣法教場隨時演習而臨事無裨實用何也曰譬如學生平日窗下講習的是五經四書解義策論一旦入場試官出來題目就是經書上的便可想望中式若平日雖是手不釋卷却讀些雜說詩詞作些傳奇歌賦一旦入場要作經義策論中選所習非所用如何可得就是好學的也徒然耳今之軍士設使平日所習所學的號今

技藝都是照臨陣的一般及至臨陣就以平日所習者用之則操一日必有一日之功一件熟便得一件之利況操練二百年自幼為兵士者耶奈今所習所學通是一箇虛套其臨陣的真法真令真營真藝原無一字相合及其臨陣又出一番新樣與平日耳目間見迥然不同如此就操一千年有何用處且如各色器技營陣殺人的勾當豈是好看的如今教場閱兵俱要周旋左右滿片花草便是好武藝但要整齊排列進退從容便是好陣式花法勝而對手工夫漸

迷益文張而真正營務不講戲局套數跳舞哄
人司閔者但取一時好看却一些實用不得諺
云到廝打時忘了拿架子此病最甚因識教場
之畧而附及之



古豐識畧卷十八

長白鍾秀石帆

初稿

嶧縣張曾小袁

地部

倉庫

豐裕倉盈甯庫在綏遠城為駐防官員兵丁俸餉銀米及各廳錢糧監督稅課總出納地設立倉庫大使一員專司其事額儲銀二十萬五千餘兩米二萬三千餘石屬糧餉同知管理如額米不敷支放隨時稟請採買

軍需倉在歸化城內駝橋街內建久安盈恒充裕六
廩額儲穀五萬一千二百六十石係供支綏遠城官
兵口糧之需

常平倉五廳皆有之歸化城設立在城外城隍廟側
內建蓋藏滿積聚豐六廩額儲穀三萬四百八十石
零係按豐歉平糶及借給農民之需

土默特倉在歸化城內駝橋街內設隆字一廩儲穀
二千石係支放副都統衙門俸米並托里布拉克台
刺麻口糧及養濟院月米

土默特庫在舊都統署大堂東偏內收存房地租銀

煤炭稅銀以備春秋祭祀將軍副都統康俸官學膏
米及補修軍器操演公費繕書鋪司台站差使工食
並一切賞卹之用

義倉在三賢廟內儲穀一千二百一十二石以備凶
荒賑濟

五廳錢糧稅課庫俱在本署隨徵隨解無定額
托克托城倉在城內雍正中建舊存放米石歸通判
管理今統歸豐裕倉

按常平等倉錢糧稅收等庫各廳州縣奉行既
久其弊不堪縷述綏遠城豐裕倉盈寧庫係為

駐防官兵而設其中收放銀米設有專官立法
至詳且盡惟近年來藩庫支絀領發未能以時
現復籌議減成辦理諸形掣肘識畧及此不過
稍存其目以俟後之君子於治人治法講求而
審定焉是則蒿目者所深幸也夫

古豐識畧卷十九

長白鍾秀石帆

初稿

寧縣張曾小袁

地部

田賦

歸化城額徵大青山後廠地租銀一萬三千九百四
兩一錢四釐空閒廠地租銀一千六百四十八兩三
分二釐土默特租銀五百二十二兩六錢五分額徵
渾津黑河本色折色米四百八十八石二斗四升六
合九勺十五溝米三百三石五斗八升六勺內有豪

賴溝村於咸豐六年秋災案內詳報沖毀地五頃五
十五畝應開除米十六石四斗二升八合實應徵米
二百八十七石一斗三升二合六勺

綏遠城同知額徵渾津黑河莊頭米一千三百九十
二石九斗五升三合

和林格爾額徵正黃等五旗廠地租銀一千六百九
兩四錢八分二釐內除咸豐四年詳報逃戶缺額銀
六百一十四兩五錢八分外實應徵銀九百九十四
兩九錢二釐土默特租銀五百四十六兩六錢七分
四釐額徵米五千五百九十七石五斗一升八合一

勺三抄

薩拉齊額徵土默特租銀一千八百六十六兩一錢一分額徵米三千七百七石一斗三升六合三勺

清水河額徵鑲藍旗廠地租銀二百四十五兩七錢土默特租銀六十七兩五錢額徵米折正銀一萬七千七百九十四兩二錢五分一釐內除二次逃戶缺額銀七千四十七兩六錢九分六釐實應徵銀一萬七百四十六兩五錢五分五釐

托克托城額徵土默特租銀三百七兩二錢六分額徵米三千一百一十七石九斗一升三合六勺

按催科之政寬嚴最難得中而口外方廳尤甚
漠南地方遼濶租戶俱自遠來歲收偶遇歉薄
輒捲席逃遁無籍貫可考無家屬親族可追與
土著居民編立戶口由近及遠都累都甲累甲
者迥別幸所種蒙古廠地租賦較他處頗輕且
徵收多係米石於納稼之日即就近輸將者以
米易銀之煩無米價銀價低昂短絀之弊額徵
間有不足守土者捐廉代輸尚易為力惟清水
河一廳前因路途遙遠駝運阻滯爾時想銀價
亦低遂致米折正銀至一萬七千餘兩之多嗣

因兩次逃戶缺額減去七千有奇現仍實徵銀
一萬七百餘兩無論凶荒水旱即樂歲徵收亦
斷難足額其催徵各官處分與府廳州縣正項
錢糧同以致監司通判有督催之責者每屆參
限輒罹譴斥本任數年來督同廳倅寬嚴交濟
設法徵收催解幸已足數忽于今歲四月間因
咸豐六年督催欠一分以上二參限滿部議降
三級調用經撫憲續奏全完方得蒙 恩開復
雖其中銀數錯漏舛誤多端而推厥所由究因
非年清年款所致此後若不速行政改易仍照舊

章符監司通判朝至而夕獲咎焉而缺之設不
幾成畏途耶後至者當何以處之

古豐識畧卷二十

長白鍾秀石帆

初稿

崞縣張曾小袁

地部

市集

歸化城商賈向有十二行俗傳都統丹津由都中帶來其說無可考近則生聚蕃衍貨物具備百工咸集以行而計不啻千百數矣遇有公務則仍曰十二行其餘各以類附之總其大者而言也

十二行公舉鄉耆四人總領十二人經理庶務鄉耆

會館設立三賢廟遇有高賈詞訟事件輒諭令處結
各行公立條規俱由鄉耆等定議五廳暨各鎮皆然
惟擇各行鋪長老成諳練者充之無鄉飲酒禮文

歸化城行商坐賈相輔而行行商販買貨物至大青
山後諸部落及西城一帶貨賣易銀及牲畜以歸有
後山營路各生意名目乾隆四十二年准兵部來咨
歸化城前往烏魯木齊等處貿易商民俱由副都統
衙門發給照票將該商人數姓名及前往貿易之都
落札薩克旗分據該同知詳報到日填註詳細照例
給發等因嘉慶五年經署定邊左副將軍齊登札布

具奏歸化城商民於山後札薩克旗下擁集過甚稽
察紛繁且恐滋生事端嗣後請發給照票方准貿易
以便稽查等因蒙准由理藩院咨行綏遠城將軍令
將本院照票領去給發各商民前往烏里雅素台等
處及各蒙古地方持票勒限貿易派員赴都請領俟
商民貿易完竣依限繳銷

歸化城商民至烏魯木齊等處謂之北套客其路乃
客賂蒙古人所開自歸化至迪化僅兩月程但無旅
居可宿行者須自攜錫帳耳見紀文達公烏魯木齊

雜詩注

行商貿易山後營路率於歲杪由城啟行至次年秋
冬間回城攜帶牲畜等物在城貨賣

歸化城牲畜交易約有數處其馬市在綏遠城曰馬
橋駝市在副都統署前曰駝橋牛市在城北門外曰
牛橋羊市在北茶坊外曰羊橋其屠宰牲畜剝取皮
革就近硝熟分大小皮貨行交易在城南門外十字
街俗呼為皮十字

口外蒙古廠地寬闊人物繁庶糧粟糶糶較別務尤
急除各廳粟店行開設而外如歸化城之畢齊克齊
山後可可以力更等村托克托城之河口薩拉齊之

包頭鎮等處皆米粟總滙居民就近糶賣

和薩清托各廳俱用足錢惟歸化城惜用短陌錢銀價較他處獨昂錢數多寡不一居民多病之商賈謂便於貿易

鈔票大錢鐵錢數年來廢置更端各處或用或否惟口外數廳毗連外藩俱未暢行亦因民所利而利之意守土者不能強也

口外粟店行錢行前有買空賣空諸弊每致高抬市價居民受害頗深近俱嚴示禁止有犯者按賭博例

懲辦

按市不飾價孔子所以治魯市賈不貳許行乃
以亂滕古者天子巡狩命市納價以觀民之好
惡即今開報市估之義周官司徒所掌有司市
賈師諸職市肆之所關重矣今市肆之設南人
曰虛北人曰集虛者因其散而言集者因其聚
而言其實同一意義口外界連各蒙古商販雲
集利之所在聞者趨之且商為四民之一日中
為市以有易無古聖王設教伊始即所必用惟
近今人情澆薄利盛義衰動輒有好商把持等
弊夫商而目之曰奸其險惡不可言狀尚何足

與士農為伍惟願業此者善自營畫取什一之

利斗稱尺數出入公平無格外鑽求無貪得罔

厭以正人心以厚風俗奉使者有深望也至行

使短錢諸習當逐漸更改以期畫一非朝夕所

能驟效爾或問錢曰短陌始於何時按王伯厚

陌之名唐末以八十為陌漢隱帝時王章又減

三錢始有省陌之名又顧甯人日知錄引隋書

食貨志曰梁大同後自破額以東錢以八十為

陌名曰東錢江鄂以上七十為百名曰西錢京

師以九十為陌名曰長錢中大同元帝乃詔通

用足陌詔下而人不從錢陌益少至於末年遂

五十為貫每陌纔八十五河南以八十為陌漢
隱帝時王章為三司使聚斂刻急舊例錢出入
皆以八十為陌章始令入者八十出者七十七
謂之省陌又抱朴子云取人長錢還人短陌則
短陌之說晉時已
有之不相始於梁也

